

《金剛般若波羅蜜經導讀》 補充講表

◎附表三十三：以下糅合《金剛經講義》

○若善男子、善女人，以三千大千世界碎為微塵，於意云何？是微塵眾，寧為多不？

◆此科文中，重在碎合二字。因其可碎可合，足證微塵世界之相，皆是緣生，當體即空，而法性中本無此等等相別也。故雖不斷滅，而不可執著耳。

◆「以三千大千世界碎為微塵」，便是點醒愚癡凡夫，勿執世界為實有。以偌大世界而可碎，足證世界是虛幻相。若其實有，豈能碎乎？所謂碎者，是明世界乃無數微塵集合相。

○若世界實有者，則是一合相。如來說一合相，即非一合相，是名一合相。

◆一合相：一：不二不異。合：不離不散。

◆但舉一合相說者，意在破斥世間所有，大而世界，小而微塵，莫非假合。因凡夫之貪著，誤認假合之相為真。如凡夫之所以貪著色身為我，由於不知色身是五蘊假合之相。

◆一合相：即是《中觀論》所云：「因緣所說法，我說即是空，亦為是假名，亦是中道義。」

○須菩提！一合相者，則是不可說，但凡夫之人貪著其事。」

◆當知一合相，便是「不可說」。謂當離名字言說，返照一切法本不生也。

○若人言：佛說我見、人見、眾生見、壽者見。須菩提！於意云何？是人解我所說義不？

◆須知佛說「我見人見眾生見壽者見」者，意在令人領會我人等見，皆為緣起之幻相耳。

○不也，世尊！是不解如來所說義。

◆言此人不解者，正令學人應向本來清淨無我無見之心源上，深深領解。

○世尊說我見、人見、眾生見、壽者見，即非我見……是名我見、人見、眾生見、壽者見。

◆「即非」明其為除我見之絕妙修功。我見者，所謂無明本也。

◆「知幻即離」為「即非」我見之修功。「離幻即覺」為「是名」我見之修功。

◆《圓覺經》曰：知幻即離也。知字最妙，知者即是覺照。果能覺照，見即冰銷。

○發阿耨多羅三藐三菩提心者，於一切法，應如是知，如是見，如是信解，不生法相。

◆即謂發大心之菩薩，應如是知見信解也。「如是」二字，即指上來所說種種義，如開經以來所說「發廣大心，起廣大行，不取法與非法之相，乃至發心不住，說法不住，得果不住，不住亦不住」，無非令其知見信解如是如是。蓋必如是知見信解，方為通達無我法。故曰：應如是知見信解。

※《金剛經破空論》云：「知見者，謂證時；信解者，修學時。正修學時，不生法相，以法相即非法相故，但依俗諦說名為法相耳。」

○不生法相：即是不分別智，智無分別，即是一念不生；一念不生，名不生法相。

◆不生法相：如「無所從來，亦無所去」；「一合相不可說」，皆不生法相之意。我見即非而是名，不生法相也。總之，千言萬語，無非為令即諸相而無相，以證生即無生而已。

○所言法相者，如來說即非法相，是名法相。

◆一切法相，皆是假名，本來即非，蓋生即無生也，此明上言不生法相之所以然。須知所謂不生法相者，非有法相而不生，亦非畢竟無法相，乃是一切法相，本為緣生。緣生之法，當體即空。所謂「非作故無，本性無故」。

○云何為人演說？不取於相，如如不動。

◆約說者言，應於能說、所說及聽說者之相，皆不取著。所謂以不生滅心，說實相法是也。此經正是實相法。故說者應以不生滅心說之。

◆其次當知，此兩句皆是說修功的，亦皆是說成效的。蓋必能不取，方能不動。然亦必能觀不動，乃能不取。所謂互為因果者也。

◆當知不取相，即是離相，如《圓覺經》之四離。

◆如如者，真如之異名也，皆謂本性。上「如」字可釋為契合，契合真如，所謂智與理冥也。即是如如智契合如如理之意。

◆總而言之，「如如不動」，即不生之義；「不取於相」，即無住之義。先須覺照本不生，乃能無住。至於一無所住，便證無生。

○何以故？一切有為法，如夢幻泡影，如露亦如電，應作如是觀。」

◆何以故者，問不取於相之所以然也。

◆今不令觀無為法如如不動之真性，而令觀有為法緣生無實之幻相，何也？此我世尊深知凡夫之病，特為巧開方便也。

◆問：然則何以能不取耶？答：應於一切有為法，作如夢、幻、泡、影、露、電觀。知其當體即空，不生貪著，乃能不取也。

◆試思應作如是觀句，大有非此不可之意。何等懇切！「作」字要緊，謂應十分作意觀之。

◆「如是」二字，固是指上文如夢如幻等說。須知如夢如幻，正謂諸法之相本空，亦即正謂諸法之性一如。

◆無為法，須從有為法做出，故曰：「應作」也。

◆六喻之中，夢喻為總；幻、泡、影、露、電為別，皆所以明其如夢也。根性好者，一聞夢喻，便可明了緣生之法，當體皆空。因恐或有未了，故復說幻等五喻。

◆永明壽禪師曰：大作夢中佛事。何以佛法亦可作如夢觀耶？約凡夫言，其義有二：

（一）佛法作如夢觀者，不可執著之意也。佛法重在破我。若有執著，我何能破？

（二）學佛者為證性也。

※《靈峰宗論》卷第四之一云：「《金剛經》如幻如夢者，為破凡外二乘，我法二執言之。

夫夢境雖空，而夢心即是覺心；幻事雖虛，而幻本亦不

全虛；泡雖無實，而非無水；影雖無實，而非無質。」

※《楞嚴經文句》卷第八云：「如幻人一喻，通於四教。若以正因緣生，無我我所，故名如幻，是藏教意。因緣即空，故名如幻，是通教意。幻法不實，隨心轉變，假名無量，是別教意。幻即法界，一切法趣幻，幻即中道第一義諦，不可思議，是圓教意。」

○抉諸生盲空見膜：抉者，挖、挑出也。